



Broj: 03-2811/25  
Đurđevik, 05.05.25

Na osnovu člana 70. stav (3) Zakona o javnim nabavkama Bosne i Hercegovine ("Službeni glasnik BiH" broj 39/14; 59/22; 50/24), Zapisnika o ocjeni ponuda od 24.04.2025. godine i člana 48. Statuta Rudnika mrkog uglja "Đurđevik" d.o.o. - Đurđevik, Direktor i Prokurista Rudnika mrkog uglja "Đurđevik" d.o.o. - Đurđevik, donose:

### ODLUKU

o izboru najpovoljnijeg ponuđača za javnu nabavku robe  
**Rudno i tehničko drvo**

Nakon provedenog Otvorenog postupka za nabavku robe: **Rudno i tehničko drvo** Ugovor se dodjeljuje ponuđaču **"Bita Invest" d.o.o. Tuzla** čija je ponuda ocjenjena kao najuspješnija.

### OBRAZLOŽENJE

Po obavještenju o nabavci za javnu nabavku robe: **Rudno i tehničko drvo** broj obavještenja: 350-1-1-117-3-131/25 objavljenom na Portalu javnih nabavki dana, 01.04.2025. godine, Tendersku dokumentaciju preuzelo je 9 ponuđača, a njihova imena su navedena u Izvještaju o preuzimanju tenderske dokumentacije, kreiranom 22.04.2025. godine.

Rok za dostavu ponuda bio je 22.04.2025. godine do 11:00 sati, a javno otvaranje ponuda je zakazano za 22.04.2025. godine u 11:30 sati u prostorijama Rudnika.

Na osnovu poziva i Obavještenja o nabavci svoju ponudu u datom roku je dostavio slijedeći ponuđač:

- 1) Ponuda sa prijemnim brojem 19-2349/25 od 18.04.2025. godine,  
Ponuđač: "Bita Invest" d.o.o. Tuzla,
- 2) Ponuda sa prijemnim brojem 19-2411/25 od 22.04.2025. godine,  
Ponuđač: "AF Wood" d.o.o. Istočna Ilidža – Nepravilna ponuda.

Javno otvaranje ponuda je dana 22.04.2025. godine u 11:30 sati izvršila Komisija za provođenje postupka javne nabavke imenovana Rješenjem direktora broj: 03-1821/25 od 26.03.2025. godine.

Javno otvaranje ponuda izvršeno je u skladu sa članom 63. Zakona o javnim nabavkama i sačinjen je Zapisnik o otvaranju ponuda.

Zapisnik sa javnog otvaranja ponuda i zapisnik o zaprimanju ponuda je dostavljen ponuđačima istog dana.

Komisija je na zatvorenoj sjednici, izvršila uvid u ponudu, te konstatuje slijedeće:

- Ponuda ponuđača "Bita Invest" d.o.o. Tuzla je prihvatljiva jer ponuđač nije bio isključen u skladu sa članom 45. Zakona i ispunjava kriterije za izbor najpovoljnije ponude, te je njegova ponuda u skladu sa tehničkim specifikacijama.

- Ponuda ponuđača "AF Wood" d.o.o. Istočna Ilidža se odbacuje kao Nepravilna, jer nije u skladu sa Tenderskom dokumentacijom. Naime, ponuđač nije potpuno popunio Obrazac za ponudu Aneks I (ponuđač nije dostavio listu svih dostavljenih dokumenata, izjava i obrazaca), ponuđač nije potpuno popunio Obrazac za cijenu ponude Aneks 2( ponuđač nije popunio popust, ukupnu cijenu sa popustom bez PDV-a, PDV). Također, ponuđač nije dostavio ovjerenu Izjavu o ispunjenosti uslova iz člana 45. stav (1) tačkaka od a) do d) Zakona o javnim nabavkama BiH („Službeni glasnik BiH“ broj: 39/14; 59/22; 50/24) i ovjerenu Izjavu iz člana 52. Zakona o javnim nabavkama.

Komisija je u skladu sa članom 4. stav (2) Pravilnika o uslovima i načinu korištenja e-aukcije utvrdila da se ne može zakazati e-aukcija jer je primljena jedna prihvatljiva ponuda.

Ponuda koja je ocijenjena kao najuspješnija je ponuda ponuđača koji je ponudio najnižu cijenu:

1. Ponuda ponuđača: "Bitra Invest" d.o.o. Tuzla broj: PN-07/25 od 15.04.2025. godine, sa sljedećim elementima ponude:
  - ponudena cijena: **32.300,00 KM** bez uračunatog PDV-a, odnosno 37.791,00 KM sa uračunatih 17% PDV-a na paritetu DDP krajnje odredište – RMU "Đurđevik"
  - Uslovi i rok plaćanja: odloženo 60 dana od dana fakturisanja, odnosno isporuke robe, bez bankovne garancije za odloženo plaćanje,
  - Rok isporuke robe: u roku 10 dana od dana obostranog potpisivanja Ugovora,
  - Opcija ponuda: 90 dana.

Obzirom na prednje izneseno, donesena je odluka kao u dispozitivu.

### Pravo žalbe

Ponuđač koji je učestvovao u postupku javne nabavke po ovom predmetu i koji smatra da je Ugovorni organ u toku postupka prekršio jednu ili više odredbi Zakona o javnim nabavkama BiH, ima pravo izjaviti žalbu na postupak, na način i u rokovima utvrđenim u članu 99. i 101. Zakona o javnim nabavkama BiH. Žalba se izjavljuje URŽ-u putem Ugovornog organa u pismenoj formi u roku od deset dana od prijema Odluke.

PROKURISTA

Mersudin Šarić, dipl.inž.mas.



DIREKTOR

Dr.sc.Amir Šabović, dipl.inž.geol.

DOSTAVLJENO:

- ponuđačima,
- arhivi.